



13.august 2007

Inatsisartut Forretningsorden-ianni § 36 imm. 1 tunngavigalugulu Naalakkersuisunut apeqquteqaatinik makkunanga saqqummiussaqaarniarpunga:

**Naalakkersuisunut apeqquteqat: Nunalerinermik inuutissarsiutillit ilaasa imminnut taamatullu sulisuminnik ajutoorsinnanissamut tunngatillugu sillimmasiinissamut, tassa ataatsimoortumik sillimmasissarneq aqqutigalugu, pisussaaffilerneqannginnerat Naalakkersuisut pissusissamisoortutut isigaat?**

(Inatsisartunut ilaasortaq Palle Christiansen, Demokraatit)

### **Tunngavigisaq:**

Sullivimmi ajutoorsinnaanissamut sillimmassinissamut inatsimmi §55 imm. 5-imi imatut allaqqasoqarpoq:

*”Kinaluunniit nammineq kisimiilluni, imaluunniit allat peqatigalugit angallat atorlugu inuutissarsiutigalugu aalisarnermik ingerlatsisoq imm. 4,2 naggat-ip ataani inissisimasoq, piniarnermik assigisaanillu, kiisalu savaateqarnermik ingerlatsisoq pisussaavoq suliffimmik ingerlatsinermik peqataanini tunngavigalugu inuttut sillimmasertussaavoq.”*

Kiisalu § 55 imm. 7-imi aammattaaq allaqqasoqarpoq:

*”Sulisitsisut, kisimiillutik imaluunniit allanik peqatearlutik imm. 5-imi allaqqasut tunngavigalugit sulisoqarlutik inuutissarsiutinik pineqartunik ingerlatsisut imminnut eqqarsaatigalutik kiisalu sulisutik eqqarsaatigalugit ataatsimoortumik sillimmasissarneq aqqutigalugu sillimmasiinissamut pisussaaffeqarput, tassa §§ 71-73 sulitillugu ajutoorsinnaanerit sulinerlu aqqutigalugu nappaateqarlersinnaanerit sillimaffiginiarlugit”.*

Maleruagassani atuuttuni takuneqarsinnaavoq kinaluunniit inuutissarsiutigalugu aalisarnermik, piniarnermik assigisaanillu, taamatullu savaateqarnermik ingerlatsisoq imminnut sulisuminillu sillimmasiissalluni pisussaataasooq. Demokraatit isumaqarput inatsit ullutsinnut malinnasinnaaqullugu nutarternissaanut piffissanngortoq. Tassami Kalaallit-nunaanni nunalerinermik inuutissarsiuteqarneq savaateqarnerinnaanani allarpassuarnik ilaqalereermat. Assersuutitut taaneqarsinnaapput tuttuuteqarneq, immuk tunngavigalugu tunisassiorneq naatitanillu naatitsiortorneq.

Demokraatit taamatut apeqquteqaateqarnerminnut tunngavigaat inatsisitigut amigaateqarleriar-  
torneq Naalakkersuisut eqqumaffiginerusariaqaraat, tamatumalu Naalakkersuiniit aqqiivigine-  
qarnissaa qilanaaraarput.

Apeqquteqaat tiguneraniit ullut suliffiusut qulit qaangiutsinnagit akineqarnissaa kissaatigineqar-  
poq.